

陸豐縣志



陸豐鄉土志目錄

第壹章 唐虞至秦漢陸豐之隸屬

第貳章 晉以後陸豐之隸屬

第叁章 陸豐之建置

第肆章 陸豐之疆域壹

第伍章 陸豐之疆域貳

第陸章 陸豐之疆域叁

第柒章 陸豐之道里總計

第捌章 陸豐之形勢壹

第玖章 陸豐之形勢貳

第拾章 陸豐之人種族壹

第拾壹章 陸豐之人種族貳

第拾貳章 陸豐之異種人

第拾叁章 唐時陸豐之人物

第拾肆章 宋時陸豐之科第

第拾伍章 宋端宗之遺蹟

第拾陸章 宋范良臣之犒師

第拾柒章 宋鄭復翁之忠烈

第拾捌章 宋文丞相之遺蹟壹

第拾玖章 宋文丞相之遺蹟貳

第貳拾章 元末之兵事

第貳拾壹章 碣石衛之建置

第貳拾貳章 碣石衛之兵制

第貳拾叁章 俞大猷勦平倭寇

第貳拾肆章 海寇之亂

第貳拾伍章 山寇之亂壹

第貳拾陸章

山寇之亂貳

第貳拾柒章

姜夢星葉宗德之平山寇

第貳拾捌章

山寇之誅夷

第貳拾玖章

羅大魁之義憤

第叁拾章

洪雲蒸之死節

第叁拾壹章

海寇劉香之伏誅

第叁拾貳章

明代之文教壹

第叁拾叁章

明代之文教貳

第叁拾肆章

明代之著作

第叁拾伍章

明代之宦績壹

第叁拾陸章

明代之宦績貳

第叁拾柒章

章華國兄弟之競秀

第叁拾捌章

廖克容父子之世美

第叁拾玖章

林時潢兄弟之孝友

第肆拾章

葉珠之世德

第肆拾壹章

葉太常之宦績

第肆拾貳章

盧兵部之經濟

第肆拾叁章

盧澤山之繼美

第肆拾肆章

林揆予之禦寇

第肆拾伍章

林呈祥之慷慨

第肆拾陸章

陳國瑞林子韶之篤孝

第肆拾柒章

陳瑄之孝義

第肆拾捌章

莊德萬之孝義

第肆拾玖章

邱登東向帝畿周正之孝義

第伍拾章

陳弼之孝義

第伍拾壹章

陸豐之名勝壹

第伍拾貳章 陸豐之名勝貳

第伍拾叁章 市場物產壹

第伍拾肆章 市場物產貳

第伍拾伍章 市場物產叁

第伍拾陸章 市場物產肆

第伍拾柒章 市場物產伍

第伍拾捌章 市場物產陸

第伍拾玖章 市場物產柒

第陸拾章 市場物產捌

第壹章 唐虞至秦漢陸豐之隸屬

陸豐自唐虞三代時為揚州之南裔春秋屬於楚迨秦始皇平百粵置南

海郡邑即屬博羅縣漢初趙佗據全粵為南粵國武帝時平之設交州刺

史以統治焉至三國時屬於東吳色仍隸博羅縣本正史及杜氏通典廣東通志

第貳章 晉以後陸豐之隸屬

晉咸和陸年析南海郡置東官郡析博羅縣置海豐縣邑即隸海豐屬東

官郡梁改東官為梁化隋改曰循州又改曰龍川唐天寶中改曰海豐郡

南漢劉隱據廣東又改為禎州宋天禧中改曰惠州邑隸屬之垂至於今

本方輿紀要及郡志邑志

第叁章 陸豐之建置

唐高祖武德五年析海豐置陸安縣其地在今大安之五社貞觀元年廢

仍併入海豐至國朝雍正九年以地方遼濶粵督郝疏請准析海豐就東

海之舊墟寨立為縣縣主黃煌抵任此陸豐建置所自始也本邑志

第肆章 陸豐之疆域壹

邑分三都附城四至五十里內曰坊廓東自南塘甲子大坪曰石帆北自

河口河田曰吉康北屬山東南濱海西自縣城三十里至白沙塘與海豐

交界西南自縣城四十里至崎頭墟外即大德港即臨大海又自崎頭四

之汕尾為
輪船路站

第五章

陸豐之疆域二

南自縣城十里至烏墩又五十里至碣石即大海東南自縣城一百二十里至甲子覽表渡與惠來交界東自縣城七十里至草洋塘又十里至葵潭為惠來北自縣城三十里至大安又三十里至河口又四十里至河田又五十里至旂頭嶂嶺北屬長樂

第六章

陸豐之疆域三

東北自河田五十里至五雲洞又二十里至湯峯徑界長樂一自五雲洞五里至平門徑界揭陽之河婆西北一自河田分路五十里至萬峯又十五里至蕉葉寮界永安一自大安五十里至新田又五十里至分水凹鳥下山界歸善

第七章

陸豐道里之總計

邑處省郡之東東西一百一十里南北二百一十里自縣城至郡城三百五十里至省城七百一十里水路則自碣石駕輪船由香港至省城海程共七百二十八餘華里至汕頭二百零華里至上海一千九百餘華里至天津四千五百五十餘華里點碣石開船十五點鐘至香港又十一點鐘至省每點鐘行二十八華里

第八章

陸豐之形勝一

邑負山面海其山脉東自烏坑老君嶂與惠來分界折而之劍門坑獅子嶂俱高數百丈北則自旂頭嶂起頂而之螺溪出河田許山至河口三溪之水隨之會合出風吹嶺抵黃塘嶂經大安逶迤而至河圖嶺結成縣城

第九章

陸豐之形勝二

城外仙橋遠跨煙火萬家商賈貿易山海輻輳稱殷盛焉計邑自東北而西南綿亘二百餘里山環水繞豁谷嵯岬而東南一帶上自惠來神泉港至甲子碣石諸港口巨浸滔天輪船海舶絡繹往來為閩粵航路洵一要區也

第十章

陸豐人之種族一

嶺南古稱百越本蠻夷國秦漢以後中州人或仕宦或謫戍秦併天下南

餘萬至唐宋時來者益眾邑巨族現如甲子李姓人過萬其居邑之先祖

李瓊乃詔安人唐之節度使也河田彭姓人數萬其始祖彭延年官潮州

刺史居邑之東坑實宋時江西人也餘諸巨族大抵自外地來者

第十一章 陸豐人之種族二

邑之種族今經渾合無異就語言上分之曰福佬曰客家曰軍皆漢種也

福佬則來自漳州潮州客家則來自汀泉贛梅等州軍則外人來屯軍者

明初設碣石衛行屯田法邑所轄大安河後皆聚族於斯而土人遂微蓋

田等處十六屯皆軍人耕之名曰軍田新種盛則舊種衰優勝劣敗實天演自然之公理也

第十二章 陸豐之異種人

邑之異族惟蠻家一種甲子碣石各海口俱有之以舟為宅以漁為業愚

蠢不識文字不冠不履不識禮義而惟迷惑神權老幼均佩香灰袋於胸

前數十者居民賤之弗與聯婚其人多蘇何麥濮吳顧等姓本天下郡國利

第十三章 唐時陸豐之人物

邑處海濱文物雖較遜於中州然歷觀古今中外之發達又以沿海之區

為最易漢魏以前書缺有閒矣唐自李瓊任兩淮節度使甲子其曾孫知

彰官至朝奉郎此為陸豐之最特色先達者本邑志及家乘

第十四章 宋時陸豐之科第

自宋以來人才蔚起若方邦基登宣和六年沈晦榜是為豐人舉進士之

始嗣是若高宗時之林幹寧宗時之郭安仁理宗時之林應祥余夢璜林

履中陳建中俱以進士出身登顯宦皆班班可考者本邑志

第十五章 宋端宗之遺蹟

宋逼於元奔馳海上德祐二年元陷臨安帝被執陸秀夫張世傑立益

王昞於福州度宗子即端宗改景炎元年十二月自潮州航海幸惠州次甲子門

適覽表石岸上故其地後名曰覽表由是至長沙海口宋師嶺南山嶺后門俱海界胥駐驛焉

棗至碭州吳崩秀夫等再立帝島於崖山新改元祥興次年秀夫負之入

乃帝正俗傳帝
禹者非

第十六章 宋范良臣之犒師

范良臣甲子人宋末官至承奉郎端宗播遷至甲子率士庶迎鑾犒軍三日留帝駐登瀛坊在港甲子進御食為刻帝像於石銘曰君恩如海後為建進食亭明參將張萬紀又建宋帝亭甲子在後人題詠甚夥事載邑志

第十七章 宋鄭復翁之忠烈

鄭復翁甲子人業於漁膽識過人常在外洋值風濤大作同舟幾無人色復翁獨嘯歌自若景炎元年端宗至甲子門元兵追至復翁椎牛誓眾率義旅襲奪元軍數十舟王師得援即任為先鋒扈從至厓門遭風溺海死誠偉人哉事載郡志

第十八章 宋文丞相之遺蹟一

景炎三年三月文天祥駐軍南嶺十邑北一百八里界永安營中無燭命砍生竹燃之火光徹夜地多蚊蚋眾不得寐公祝之遂絕由是克復惠州嗣收兵出海豐次麗江十一月移屯潮陽元將張弘範追至復帥麾下走海

第十九章 宋文丞相之遺蹟二

是時天祥駐軍五坡嶺海豐城北方飯元張弘正突至弘範眾不及戰遂被執豐人為建表忠祠祀之鄒鳳劉子俊林琦蕭資同時就義並附祀焉祠後築方飯亭刻丞相像於石有楹聯云方飯飽仁義書紳志聖賢事參本宋史及郡志邑志

第二十章 元末之兵事

元末盜賊肆起各據土地至正間土人林子祺據海豐虐甚陳子華士乘眾怒擒殺之而自據時王仲剛黃常據惠州馬寒據博羅東莞何真集義民悉討平之遂襲子華取海豐尋併全粵元滅明遣廖永忠南征真降封

東莞伯邑即歸於明本廣東通志及郡志舊縣志

第二十一章 碣石衛之建置

碣石衛城明洪武二十七年都指揮花茂建并命千戶盛玉築甲子所城防倭寇也迨嘉靖中王伯竄潮賊張誘倭入寇攻燬衛城萬曆時參將侯

繼高新一國初海寇蘇逆復攻據碣石嗣伏誅康熙七年總兵苗之秀抵任再修城池凡三建焉碣石志及本邑志

第二十二章 碣石衛之兵制

明初衛設都指揮內外管轄九所軍丁有事則戰征無事則防守耕屯田以自給古者寓兵於農屯田則寓農於兵法本甚善迨其後軍丁迭散倉庾空虛國朝懲之設總兵統中左右三營撤軍為民屯田惟賦其租以給軍需悉歸縣轄光緒近年兵制改革營弁軍丁裁汰殆盡

第二十三章 俞大猷勦平倭寇

倭寇連年犯境嘉靖四十三年俞大猷帥兵六萬至命花腰蜂為前鋒者撫倭遇之輒股票思遁大軍乘勢縱擊之戰於泃水神山溝又戰於大德港連破之俘斬二千有奇餘賊復溺海殆盡其時戚繼光復斬倭眾於閩海自是東南海疆倭患始平本明史及邑志

第二十四章 海寇之亂

明代時海寇復乘機竊發隆慶元年林道乾等潛入碣石衛城焚燬房屋殺掠甚眾五年楊復萬曆中袁八天啟中鄭芝龍賊黨相繼攻破甲子所城嗣復攻海豐籍頭村為穴崇禎元年部議招撫海寇芝龍始鋒於閩帥

熊文燦芝龍泉州人據海島為盜

第二十五章 山寇之亂一

邑遭寇禍有海有倭有山其害則山為甚有嶽嶺貉等類來自鄰邑均曰山寇

正德中徭寇起興寧大帽山尋寇海豐嘉靖間巨盜楊立分道出掠旋被勦捕為知海豐縣張濟時所擒邑人德之祀名宦嗣崗賊黃啟荐陷甲子所城是冬命將大征山寇尋議撫之強寇花腰蜂降本天下郡國利病書及邑志

第二十六章 山寇之亂二

山寇之巢穴內地者復互相聯絡隆慶中馬祖昌據河田大溪峯藍一清賴天爵據螺溪三溪新田曾文瑞據陂溝百萬胡盧峯甘坑爛田俱稱天總當事者或稍誅以塞責或藉撫以為功故賊熾益熾烏朮山又名烏許

山南嶺獅子嶂旂頭嶂內洋皆邑內巨山悉賊藪吉康坊廊二

第二十七章 姜夢星葉宗德之平山寇

姜夢星邑庠生負氣節知方略時盜賊蜂起內外騷然星率眾驅禦寇不敢近隆慶六年同貢生葉宗德詣闕上書疏請平寇及大征領鄉勇自當一隊功最多郡人楊復所為之記葉宗德吉康人學行俱優志吞寇盜功存桑梓其毅力之堅熱血之誠實足動今日士氣之奮揚卒祀鄉賢事詳邑志

第二十八章 山寇之誅夷

明代時邑與歸善永安長樂四縣民復詣闕訴陳被寇慘狀繪圖以奏遂詔大征五路齊發次年萬曆元年悉討平之擒賊首馬祖昌賴天爵炎火虫等以該地山深箐密易藏奸宄乃築城於新田設叅將以駐防之後以地安靖裁之

第二十九章 羅大魁之義憤

羅大魁吉康人邑諸生痛其父為花腰蜂所戕日夜懷刃誓不共天萬歷癸酉大征賊負固據險大魁決策自請餌賊伏勁兵橫擊賊果墜計中俘斬二千餘名大魁殞於陣誠克成厥志雖死猶生也妻李氏年十九抱孩茹苦白首完貞夫孝妻節大義凜然洵千秋不泯也夫事詳邑志

第三十章 洪巡道之死節

洪雲蒸湖南攸縣人由進士任惠州巡道崇禎四年山寇鍾凌秀劫公平大安東海殺死八百餘人蒸討平之八年海寇劉香犯境熊文燦議撫之遣蒸等往賊船宣諭被執嗣命鄭芝龍統兵至賊懼挾蒸出厲聲曰我矢死報國大軍急擊勿失遂遇害遺書有三省除我死何憾成仁取義天地同鑒士民痛之府縣俱祀名宦朝廷以文燦地備長寇令載罪自効

第三十一章 海寇劉香之伏誅

劉香初與芝龍合黨閩浙粵之沿海均受其害龍既降香益猖獗是時邑自甲子碣石下至汕尾捷勝悉被戕擾出入縣城獄內案賊挾縣開釋肆行無忌居民奔逃迨芝龍聯粵軍合圍於田尾洋碣石在港香勢窮蹙遂自溺

死餘黨悉潰芝龍以功總兵官

第三十二章 明代之文教一

范伯可洪武初舉明經授本縣儒學勤於講授閒居衣冠危坐終日無惰容雖祁寒暑雨手不釋卷學者咸服其勤謹清修深得程朱居敬之旨云
姜綱字文中坊廓人好古洽聞師事楊文懿篤行樸雅由朋經訓陽山諭安定陞潯州教授士懷春風著有奚囊集

第三十三章 明代之文教二

黃淑號勿堂東埔人母陳氏年二十孀守有賢德淑幼稟母訓師事大儒湛甘泉張東所嘗與王陽明講格物致知之旨稱為湛門第一嘉靖中以歲薦任通山學博教誨學者多成就焉時推為粹然名儒

第三十四章 明代之著作

盧功名石帆人建文己卯舉人授江西南城令興學勸農令民平治田畝多種蔬穀民食以贍尋以親老解組歸著有經史彙纂鬱林石詩文集鄭

洪猷下般人孝友嗜學天啟戊辰進士令涇邑釐剔積弊陞刑部主事丁憂歸郡守聘修史志筆無諛詞所著有蘧津彙藻諸書胞弟斌臣由武進士任惠州協鎮

第三十五章 明代之官績一

李實號石洲碣石人嘉靖己丑翰林任南京御史多所建白林裕號蘭亭上埔人成化中由明經授泉州府以清惠著祀鄉賢葉逢春號素炫吉康人萬曆乙卯舉人授雲南騰越知州政教寬簡繁劇就理陞贛州通知旋署府篆勞撫字剔奸弊士民頌之稱循吏焉

第三十六章 明代之官績二

錢履福字錫純錢厝寮人崇禎中由恩貢任浙江天台太平二縣事克著廉能後有萬姓者亦官太平民間有十萬不當一錢之謠歷陞至浙江糧道以病乞歸章美字文偉赤墩人性孝友廉讓登萬曆辛卯賢書任蒼梧知縣有賢聲嗣以母老不能隨任解組歸養曲盡孝思子三人皆克肖

第三十七章 章華國兄弟之競秀

章華國美之長子也崇禎中明經授光祿寺丞清操自矢人不敢以私干
嗣督催鳳陽糧儲時邊餉告急日夜馳驅刻期報績泣官六載以疾歸行
李蕭然後巡按御史柳寅東薦之再出辭論者謂其急流勇退有二疏之
風云其次弟輔國任番禺訓導其三弟經國邑庠生博學善書著
有白齋傳稿

第三十八章 廖寬父子之世美

廖寬字克容坊廓人性孝慈親喪方葬值寇至眾皆逃匿寬獨躬築墳塋畢乃反
平居語及親輒涕泣不止鄉黨咸稱其孝仕安慶府儒學子觀海克稟庭
訓弱冠領成化癸卯鄉薦舉動嚴正歷永定棗陽教諭陞柳州府教授遊
其門者多所成就棗陽崇祀名宦邑人重之父子並祀鄉賢

第三十九章 林時潢兄弟之孝友

林時潢字帆天併篤人行孝友品學俱優執經於胞兄時濟敬若嚴師領天啟
丁卯賢書益奮志稽古時濟年十三遊泮十六喪母哀毀備至敦族誼創
祠宇撫教幼弟孤侄俾克成立潢卒益厚其子以明經應選誠壘麓協奏
也夫

第四十章 葉珠之世德

葉珠螺溪人生平剛介事無不可告人雖家世素封而質樸自如父遺產
割腴以厚兩弟課子姪嚴繩禮儀睦族恤鄰急難周濟崇禎己巳邑飢捐
穀六百石賑活甚衆乙亥海寇犯境捐穀四百石助練鄉兵保護城池長
子高標成進士仲子維菱登崇禎己卯賢書殆碩德之報與

第四十一章 葉太常之官績

葉高標號大木才識沉毅崇禎戊辰進士授歙縣入界即途擒大盜凡據
巢老賊悉畫計芟除廉潔自矢吏畏民懷核治狀推卓異第一擢刑科晉
禮部給事中尋命清覈戶部直省支收糧餉即奏載冗賦七十餘萬清弊
餉數百餘萬嗣積勞成疾訃聞贈太常寺少卿遣官諭祭祀鄉賢

第四十二章 盧兵部之經濟

盧煊字伯鍊大塘人崇禎壬午由明經授兵部主事初為諸生時即負經濟才海

寇劉香五攻石橋場燬以城外民居數被害出金售其屋築礮台以扼盜
衝卒被創遁去民賴以全祀鄉賢後總兵韓良卿復建功德祠於碣石祀
之

第四十三章 盧澤山之繼美

盧恩號澤山燬之孫也康熙丙子鄉薦授廣西懷集縣知縣擒鑛盜絕苞
苴培士子折欵獄泣懷七載著廉能聲陞授兵部車駕司主事以老致仕
單車出都門襟被蕭然囊無餘物論者咸稱克繩祖武云

第四十四章 林揆予之禦寇

林揆予書大安尚崇禎中以優行舉孝廉多才略時盜賊蜂起倡義聯絡各
鄉為三十六約長率鄉勇竭力捍禦建堡寨厚四尺餘仿戚繼光邊樓式
樓屋週圍穿井於下賊不能攻克保安全今城猶屹然子穉字耀先登康
熙壬午鄉薦

第四十五章 林呈祥之慷慨

林呈祥字南甫父可盛萬歷癸酉舉人好義樂施焚券周貧呈祥領崇禎
丁卯鄉薦甲戌副榜進士性尤慷慨仗義甲申聞李闖陷北都激昂號泣
發諸詩歌迭圖集義勤王賫志以歿妻王氏克成夫志捐祖產助閭邑賓
興歲飢復與姪長春迭次捐賑邑令旌獎焉

第四十六章 陳國瑞林子韶之篤孝

陳國瑞文莆田人商於豐遭風亂瑞幼母挾之還莆嗣莆遭倭陷又失其
母及長思得父母四處尋覓且行且泣路人為之揮涕後父母俱得再會
邑令旌曰篤孝通神林子韶邑庠生性至孝父病晝夜不離側顛天割股
治之而愈與國瑞俱祀孝義祠

第四十七章 陳瑄之孝義

陳瑄坊廓人監生性至孝父喪哀慟幾絕母病親嘗湯葯不離寢食及歿
瑄竟一慟而逝縣令旌以額曰為廢蓼莪至其慷慨好施凡族中貧不能
喪葬者恤之及夫子弟讀書應試俱莫不有有攸助以成其名義至高者

第四十八章

莊德萬之孝義

莊德萬坊廓白銀坑人幼失恃隨繼母避寇寇至亟藏母賊知之感其幼且孝含以去比長其父往可塘墟失金歸至廢寢食萬隱貸金如數佯作尋獲狀以悅父志有馬姓者寄金遠出尋物故萬携金走千里送還其家生平善行多類此

第四十九章

邱登東向帝畿周正之孝義

邱登東號小魯吉康人康熙中以明經授新興訓導孝事繼母減糶濟貧同時有向帝畿字域人民安人以明經任普甯訓導為人清介端方事繼母以孝聞周正坊廓人廩生孝事繼母友愛弟姪持已以峻訓家以嚴善接引後輩門多立雪之士孫成未弱冠通五經有聲黌序皆祖訓也

第五十章

陳弼之孝義

陳弼後林鄉監生幼孤事母至孝好義樂施康熙丙子中歲飢出粟麥施濟鄰里佃人逋租者悉免之雍正丙午丁未中邑又遭大祲弼捐銀三百糶穀平糶前後合股接濟飢民賴之碣石鎮劉邑令楊給匾優獎妻高氏割股以療姑疾相夫勤修善行有古賢婦風焉

第五十一章

陸豐之名勝

一曰圖嶺斜暉在城北五里為主山山下舊有曲水流觴臺山上有夕湯高卧海天一碧羣英萃飲醉倚蒼崖諸石刻焉二曰洛洲芳草在邑西四里三曰龍山煙樹在城東隔河多植榕樹松竹登其上則江城如畫中建龍王廟右建龍山書院現改作高等小學堂屋宇闕煥然聿新

第五十二章

陸豐之名勝

四曰仙橋夜月在邑南門外橋長一十三洞宋寶祐中知縣蕭泰夫建五曰烏墩歸帆在邑南十里六曰法岫停雲在邑西十里高捋雲表上有石室寬敞丈唐元和時僧大顛居之故又稱大顛巖前鑿放生池相傳韓昌黎貶潮時曾來訪顛於此舊有燈光寺後移在城內七曰碣臺觀海八曰甲石吞潮是謂陸豐八景

第五十三章

市場物產一

碣石前臨大海為粵東巨鎮人煙稠密東連湖東西至金廂各三十里又自湖東三十里上至甲子所俱饒魚鹽之利漁舶蜃船出沒波濤往來如織每歲出產魚蝦乾脯暢銷內外以億萬計尤以鯪脯墨脯鱖魚翅為著名但港口多礁故商場尚不甚旺

第五十四章 市場物產二

甲子所居民以魚鹽為業而米穀不足每歲必販糴於縣城及潮州洋米製造物產有手挽以海柳為之飾極珍雅亦地方上一特色之品者

第五十五章 市場物產三

南塘墟土產多薯荳蔴蔗而米穀不足陂溝墟在邑東七十里聯近內洋之處多產菓子山貨但墟小銷場不旺惟礦產每歲所製造甌碗盃盤等器多暢銷本邑及鄰縣焉

第五十六章 市場物產四

博美市即壘在邑東三十里殖場甚佳前有田洋約數千畝肥饒產穀為邑中至廣袤之田場魚蝦則有湖東碣石以及內溪柴薪則胡峯等處俱屬不遠山海適中乃邑魚米之區也又二十里有八萬墟又上有內湖墟俱係小墟準銷場不旺

第五十七章 市場物產五

大安墟在邑北三十里商情以銷鹹魚為大宗碣石汕尾之魚由水陸而來絡繹不絕土產有菁靛油糖煙葉大蒜出口附近有磁窰礦產每歲造缸甕盆鉢等器約巨萬以外有頂潭官田埔石頭山東窰之磚瓦及諸磁器又下有新安墟又西北二十里為深坑墟又上為翰田墟均係小墟商場不盛

第五十八章 市場物產六

新田墟在邑北九十里地多峻嶺叢林出產杉楹木料並有竹製椅屏交椅眠椅等件雍正九年以該地方毘連永安歸善海豐數縣山深箐密易藏姦宄而舊設參將既撤故就近在黃沙坑設巡檢一員以捕治之後以衙署朽壞移在大安由大安北三十里有河口墟

第五十九章

市場物產七

河田墟在邑北一百里商業以鹽行為大每歲在浚水金廂運載約二萬餘挑出產柴料杉料及所鑄造大小鍋釜出口又西二十里為上護墟北二十里為螺溪墟東二十里為黃塘墟又上四十里為上沙墟俱吉康內山墟銷場弗旺

第六十章

市場物產八

大坪墟在邑東九十里屬石帆都與惠來接壤貿易多茶菓山貨附近大溪嶂劉厝場及南輦埡閩羅磴等山皆產茶味頗佳水壩墟在邑南十五里地場極饒後有田洋前臨塭港出產魚蝦蠔豉歲值數萬並出產蠔珠潭涌墟在邑西二十里又二十里有崎頭墟與海豐交界出產魚蝦蚶蟹

古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室